



Broj: 01,02-02-1-126/17
Sarajevo, 24. 3. 2017.

PRIMLJENO			
Organizacija je dala	Klasifikaciona oznaka	Redni broj	Broj prilog.

Na osnovu člana 86. stav (1) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), Kollegij Predstavničkog doma Parlamentarne skupštine Bosne i Hercegovine, radeći kao komisija, u kojoj su: Šefik Džaferović, predsjedavajući, Borjana Krišto, prva zamjenica, i Mladen Bosić, drugi zamjenik predsjedavajućeg Predstavničkog doma Parlamentarne skupštine Bosne i Hercegovine, Predstavničkom domu Parlamentarne skupštine Bosne i Hercegovine podnosi

IZVJEŠTAJ

o nastojanju za postizanje saglasnosti o
prijedlogu zaključaka poslanice Mensure Beganović povodom rasprave o Izvještaju o
primjeni Jedinostvenih pravila za izradu pravnih propisa u institucijama Bosne i
Hercegovine, podnosilac: Ministarstvo pravde BiH

Članovi Kollegija Predstavničkog doma Parlamentarne skupštine Bosne i Hercegovine, radeći kao komisija, *nisu postigli saglasnost* o prijedlogu zaključaka poslanice Mensure Beganović povodom rasprave o Izvještaju o primjeni Jedinostvenih pravila za izradu pravnih propisa u institucijama Bosne i Hercegovine, podnosilac: Ministarstvo pravde BiH, koji na 43. sjednici Predstavničkog doma Parlamentarne skupštine Bosne i Hercegovine, održanoj 23. marta 2017., prilikom glasanja nisu dobili entitetsku većinu.

Prijedlog zaključaka glasi:

1. Zadužuju se Zakonodavno-pravni sektor i ustavnopravne komisije Predstavničkog doma i Doma naroda da pripreme izmjene i dopune Jedinostvenih pravila za izradu pravnih propisa u institucijama BiH (u daljnjem tekstu: Jedinstvena pravila) i dostave ih PSBiH na usvajanje, tako da:
 - u Jedinstvena pravila ugrade odredbe oba poslovnika domova Parlamentarne skupštine BiH, konkretno – šta prijedlog zakona treba da sadrži,
 - izmijene i dopune Jedinstvena pravila dodatnim pojašnjenjima i razradom nedovoljno jasnih i preciznih normi,
 - Jedinstvena pravila dopune odredbama kojima se regulira utvrđivanje službene i neslužbene verzije prečišćenog teksta zakona, odnosno da se propiše obavezna novelacija / kodifikacija teksta zakona koji je pretrpio veći broj izmjena / dopuna kako bi se olakšala njegova primjena u jednom konsolidiranom tekstu zakona, a koji bi Parlamentarna skupština BiH usvojila po hitnom postupku.
2. Zadužuje se Ministarstvo pravde BiH da pripremi zaseban akt o procedurama i metodama procjene učinka propisa, kojim se poboljšava kvalitet sadržaja propisa i kao takav je nezavisan od Jedinostvenih pravila kojima se propisuju nomotehnička pravila.
3. Zadužuje se Zakonodavno-pravni sektor da, u saradnji sa sekretarima ustavnopravnih komisija Predstavničkog doma i Doma naroda, jednom godišnje

- provede obuku za državne službenike koji obavljaju normativno-pravne poslove u Sekretarijatu Parlamentarne skupštine BiH o temi primjene Jedinostvenih pravila.
4. Zadužuje se Kolegij Sekretarijata da osigura potrebne kapacitete za izradu propisa tako da državnim službenicima koji rade na normativnim poslovima osigura pohađanje obuka, radi daljnjeg usavršavanja i unapređivanja znanja iz njihove nadležnosti.
 5. Zadužuje se Vijeće ministara BiH da osigura / intenzivira saradnju između pravnih i jezičkih stručnjaka s ciljem jačanja sistema pravno-lingvističke provjere u postupku izrade pravnih propisa u BiH.

Kolegij Predstavničkog doma Parlamentarne skupštine Bosne i Hercegovine sačinio je o ovome Izvještaj.

Izvještaj se upućuje Predstavničkom domu Parlamentarne skupštine Bosne i Hercegovine u skladu s članom 86. stav (3) Poslovnika Predstavničkog doma Parlamentarne skupštine Bosne i Hercegovine.



Prva zamjenica
predsjedavajućeg
Borjana Krišto

Drugi zamjenik
predsjedavajućeg
Mladen Bosić